


ՏԱԹԵՎԻ ՈՓԱ ՔԱՐԻ ՔԱՐԱՅՐ-ԱՊԱՍՏԱՐԱՆԸ

Հ. Գ. ԱՅԻԶՅԱՆ

Ստեփանոս Օրբելյանն իր «Պատմություն նահանգին Սիսական» գրքի նախաբանում հիշատակվող պատմական աղբյուրների շարքում նշում է. «...և այլ ին։ ի հին նամակաց թագաւորաց Հայոց և իշխանաց Սիւնեաց, նաև ի կաթողիկոսաց Հայոց և յեպիսկոպոսաց Սիւնեաց, որ մնացեալ էին ի վաղ ժամանակաց յամուրս Բաբելոնի և որ ի սուրբ ուխտս Հայրապետանոցիս Տաթևում»։ Պատմիչի այս տեղեկությունը հաստատում է հետոց ի վեր քարանձավները որպէս ապաստարան-ամրոց և թաքստոց օգտագործելու իրողությունը. այն կարևոր տեղեկություն է նաև միանշալտ պատմական հուշարձանի մասին. այդ ի՞նչ էլամուրս քաղաքն է, որտե՞ղ է գտնվում և ի՞նչ պարունակում արդյոք նյութեր, որոնք հետաքրքիր կարող են լինել պատմության, հնագիտության համար։

Հիշյալ տեղեկությունը մեծ հետաքրքրություն հարուցեց նաև Հայկական աշխարհագրական ընկերությանը կից քարանձավախույղների ջոկատում, որի կատարած աշխատանքների շնորհիվ հնարավոր դարձավ պատասխանել նըշված հարցերին։

Պատմիչի տեղեկության համաձայն քարանձավը գտնվում է «...ի սուրբ ուխտիս Հայրապետանոցիս Տաթևում...», այսինքն Տաթևի վանքի շրջակայքում։ Մեր պրպտումները հաստատեցին պատմիչի տեղեկությունը. վանքի շրջակայքում հայտնաբերվեցին մի քանի քարանձավներ, որոնցից միայն մեկն էր համապատասխանում պատմիչի «լամուրս» անվանմանը։ Այն գտնվում է Տաթևի վանքից մեկ կիլոմետր հյուսիս-արևելք, Որոտան գետի աջ վտակ Աղանձուգետի (այժմ՝ Տաթև գետ) կիրճի ձախ լանջին (նկ. 1)։ Քարանձավը տեղադրված է Ուփա քար կոչվող, 190 մ բարձրություն ունեցող ուղղաձիգ ճակատով ժայռի միջնամասում, գետի հունից 100 մ բարձր։ Այն առաջացել է կլարացաված և մարմարացաված, կրաքարերի մեջ ստորգետնյա ջրերի և դետի գործունեության հետևանքով, այն ժամանակներում, երբ գետը 100 մ բարձր է եղել ներկա մակարդակից։ Ուղղաձիգ ժայռի ճակատամասում գտնվող քարայրը (նկ. 2) միանգամայն անառիկ է, այնտեղ կարելի է թափանցել միայն լեռնագնացի հանդերձանքի օգնությամբ։ Քարանձավի մուտքը փակված է եղել արհեստական կրաշաղախ պատով, որն ունի 50 սմ հաստություն, 24 մ ընդհանուր երկարություն, 1,5—2 մ բարձրություն. կառուցված է բաղալտի և կրաքարի մանր ու խոշոր բեկորներից։ Ըստ որում, բաղալտի բեկորները բերվել են Տաթևի վանքի մոտակայքից, քանի որ տեղում տարածված են միայն



Նկ. 1. Տաթևի վանքի և քարանձավի դիրքը

Քարանձավի մուտքի դիրքը


Ուղղաձիգ ժայռի

Քարանձավի մուտքի դիրքը

Նկ. 1

1 Ստեփանոս Օրբելյան. Պատմություն նահանգին Սիսական. Թիֆլիս, 1910, գլ. Ա, էջ 10 (ընդգծումը մերն է—Հ. Ա.)։

կրաքարային ապարների Արհեստական պատի կառուցման համար անհրաժեշտ շինանյութերը քարանձավ են բարձրացվել պարաններով: Պատից այժմ պահպանվել են միայն 1—1,5 մ բարձրությամբ առանձին հատվածներ (աղ. I, 2):



Նկ. 2


Քարանձավի արևելյան կողմի աջ անկյունում, ուր համեմատաբար լավ է պահպանված արհեստական պատը, տեղադրված է 50 սմ լայնությամբ մուտքը (աղ. I, 1), որը հավանաբար ունեցել է փայտե դուռ: Արհեստական պատի անհավասարաչափ քայքայվածությունը (աղ. I, 2) ցույց է տալիս, որ այն ունեցել է նաև մեկ կամ երկու պատուհան:

Արևելյան կողմի պատի տակ շրջված վիճակում ընկած էր բաղալտե մի պարզ խաչքար (աղ. I, 1. Նկ. 3), որը հավանաբար տեղադրված է եղել պատի մեջ: Խաչքարն ունի 60 սմ երկարություն, 30 սմ լայնություն, 20 սմ հաստություն: Խաչքարը, չնայած իր չափերին և ծանրությանը, նույնպես քարայր է տեղափոխվել ներքևից: Այն պատրաստվել է քարայրի կառուցապատման ժամանակ, այսինքն թվագրվում է քարայրի բնակելի դարձնելու ժամանակով:

Հոգևոր անկյունների ներկայությունը երկարատև օգտագործվող քարանձավներում գրեթե պարտադիր է: Խոշոր քարանձավային համալիրներում սովորաբար հարմարեցվում-կառուցվում էին փոքր եկեղեցիներ կամ մատուռներ՝ խորաններով և խաչքարերով: Այդպիսի կառույցներ կան Խոսրովի անտառում, Ողջաբերդում, Սիսիանի և Նոյեմբերյանի շրջաններում գտնվող քարայր ապաստարաններում²: Քարայրի մուտքից քարե աստիճանները տանում են ներքև՝ մոտ 1,5—2 մ, որտեղ կառուցված է մի փոքր հարթակ (Նկ. 4):

2. Ն. Գ. Աղիզբեկյան, Գ. Հ. Խոսրովյան, Գ. Հ. Վարդանյան, Զանգեզուրի քարանձավները, 1984. գիտ. հաշվետվություն (Հայկական աշխարհագրական ընկերության ֆոնդեր): Նույն ք. Հայաստանի հյուսիս-արևելյան շրջանների քարանձավները, 1986. գիտ. հաշվետվություն (Հայկական աշխարհագրական ընկերության ֆոնդեր):

Այստեղից են կախել պարանոցները, որոնցով միայն հնարավոր է բարձրանալ քարանձավ: Քանի որ անձավը բնականից անառիկ է, արհեստական պատը պաշտպանական նշանակություն չի ունեցել. այն կառուցվել է միայն քարայրը բնակելի դարձնելու նպատակով՝ ցրտից, քամուց և անձրևից պաշտպանելու համար:



Աղ. 1


Քարանձավի երկարությունը 15 մ է, ամենամեծ լայնությունը՝ 6 մ, բարձրությունը՝ 1,5—2 մ (նկ. 4): Հատակը, որի միայն արևելյան հատվածն է ծածկված հողաշերտով, անհարթ է (աղ. 1, 2) և դեպի արևելք ունի 10° թեքություն: Քարայրի գրեթե կենտրոնում, ժայռե հատակին արված է 20 սմ խորությամբ և 25 սմ տրամագծով փոս՝ հավանաբար փայտե սյունի համար: Պատերը և առաստաղն անհարթ են, առաստաղի արևելյան հատվածն ամբողջովին մրապատ է: Քարայրի արևմտյան ծայրի հատվածը արհեստականորեն լայնացվել և ծառայեցվել է իբրև արտաքնոց (նկ. 4), որը քարայրի հատակի ընդհանուր հարթությունից ցածր է 30 սմ, ունի մոտ մեկ քառակուսի մետր մակերես: Արտաքնոցի արտաքին պատի հատակին թողնված է 15 սմ տրամագծով դեպի դուրս ուղղված թեք անցք:

Հատակի միջամասում սյան հասար փորված փոսը հիմք է տալիս ենթադրելու, որ քարայրում եղել են նաև օժանդակ այլ կառուցյուններ (փայտից միջնորմ, դարակներ, թախտ, պահարան և այլն)։

Արեւելյան պատի տակ գտնվել է կրակարանը (նկ. 4), որի տեղում պահպանվել են մոխրի և փայտածուխի մնացորդներ։ Վերևում առաստաղը ծածկված է մրի շերտով։ Արեւելյան հատվածի հատակը ծածկող հողաշերտի ուսումնասիրությունը հետաքրքիր արդյունքներ տվեց։ Հողաշերտն ունի 30—45 սմ բնդհանուր հաստություն և պարունակում է մեծ քանակությամբ հնագիտական նյութեր։ Այն բաժանվում է չորս ժամանակագրական շերտի։ Վերևից առաջին շերտն ունի 15—20 սմ հաստություն, մակերեսին սփռված են մեծ քանակու-



Նկ. 1



Նկ. 3

թյամբ փայտե իրերի, գործիքների (աղ. III, 1) և խեցեղենի մնացորդներ։ Հետագայում պարզվեց, որ փայտե առարկաների մեծ մասը մեղվի փեթակների մասեր են։ Բուն շերտից հայտնաբերվեցին մեծ քանակությամբ խեցեղենի, մի քանի ապակե անոթների բեկորներ, ձեռագիր և տպագիր մատյանների պատուհիկներ, բրդե, բամբակե, մազե տարբեր գործվածքների ծվեններ։


Շերտում հայտնաբերված խեցեղենի բեկորներից երկուսն ունեն արձանագրություն. կարմրավուն, ոչ մեծ շափի կճռճի բեկորի վրա գրված է. «Ի վայելումն Սս...» (աղ. II, 1)։ Երկրորդ բեկորը, որը համեմատաբար խոշոր և սև դույնի անոթի մաս է, ունի հետևյալ արձանագրությունը. «Թվ ՌՄԼԷ (1688). ին» (աղ. II, 2)։

Հիշյալ նյութերով առաջին շերտը վերաբերում է XVII—XVIII դդ.։ Դեպի դա՛հ հաջորդ շերտը ունի 3—5 սմ հաստություն, կազմված է փոշուց և բուսական (հիմնականում խոտի) մնացորդներից, որոնք քարանձավ են թափանցել բամուլ շերտից։

Այս շերտի տակ տեղադրված է 3-րդ շերտը, որն ունի 10—20 սմ հաստություն, պարունակում է մեծ քանակությամբ հնագիտական մնացորդներ, խեցեղենի բեկորներ, մագաղաթե ձեռագրերի պատուհիկներ, երկաթե դամբեր, բիզ, խողի մաղիք վրձին, փայտե քանդակազարդ բեկորներ, պղնձե և փայտե փղախներ (աղ. III, 2)։ Այս շերտի հորիզոնում հայտնաբերվեց նաև ձեռագիր մատյանի մի ամբողջական թերթ։

3 Քարայրում հայտնաբերված տպագիր և ձեռագիր մատյանների բեկորները գտնվում են մշտնոցի անվ. Մատենադարանում, № 2026։

Քարայրի հատակին, նկարագրված երրորդ շերտի տակ, հստակ սահմանագատվում է ստորին՝ շորորդ շերտը, կազմված միայն գորշ գույնի կավից։ Այն լցվել և ամրացվել է քարայրի այդ հատվածը հարթեցնելու նպատակով։ Քարայրի արտաքին և ներքին հարդարանքը (արհեստական կրաշաղախ սլաք, քարայր բարձրանալու և իջնելու նպատակով հարմարեցված հարթակ, կավով հարթեցված հատակ, արտաքինոց և այլ օժանդակ կառույցներ) թույլ են տալիս եզրակացնել, որ այն ամենայն խնամքով նախապատրաստել են օդադարձների դարձնելու համար։





Նկարագրված երրորդ շերտը, որ գույացել է հարթեցված կավածեփի հատակի վրա, պարունակում է առաջին քարայրաբնականների դոբժուխություն հետքերը։ Իսկ ուլքերն էին առաջին քարայրաբնականները։ Մեր է կառուցապատվել քարայրը։

Տաթևի վանքի մոտ գտնվելը, ինչպես նաև Ստեփանոս Օրբելյանի տեղեկությունը քարայրի մասին (այնտեղից հանված՝ վանքին վերաբերող փաստաթղթերը) ցույց են տալիս, որ քարայրը կառուցապատվել է Տաթևի վանքի միաբանության կողմից։ ըստ որում, ձեռնարկումը մեծածախս էր, ուստի կառուցապատումը կատարվել է վանքի հզորության շրջանում, սպասվող որևէ ասպատակությունից առաջ։ Նման աղետների դեպքում վանքի հարստությունները թաքցվում էին հատուկ ստեղծված գաղտնարաններում և մոտակա անառիկ բերդերում։ Ամենակարևոր՝ հոգևոր հարստությունները (սրբերի նշխարներ, սրբազործված խաչեր և այլն) հիմնականում պահվում էին վանքի ներսում՝ ստեղծված գաղտնարաններում։

4 Այդպիսի գաղտնարան է ունեցել նաև Շաղատի գմբեթավոր եկեղեցին, որի մասին Ստեփանոս Օրբելյանը գրել է. «Արդ, յետ բազում ժամանակաց ինչ Յովհանէս՝ կուսակոթն րահունայ և սպասաւոր սուրբ եկեղեցւոյն, առանձին աղօթս մատուցանէ, ի նմին սուրբ եկեղեցւոյն ի գիշերին։ Եւ յանկարծակի շարժումն եղև անուշահոտ բուրմամբ։ Եւ յարեւելից կուտ խորանին յեկեղեցւոյն աղիսաձև քար վազեաց յորմոյն. և զյատակն եկեղեցւոյն էառ ի վերայ լումին։ Եւ քա.անային ելեալ ի բնմն մեծաւ երկիրդի տեսանէր պատուհան մի բացեալ. և ի ներքս»

Տաթևի վանքի ներքին գաղտնարանը հայտնաբերվել է Տեր-Հայրապետի աթոռակալության ժամանակ, երբ վերակառուցվում էր քանդված եկեղեցին (1260—1270 թթ.). «Եւ ի սրբել զհին կազմուած աղիւսածոյլ և վիմակարկառ



Ազ. III

դերբկացն, որ ի վերայ ձեղումանն, գտանեն ի գլուխ առաջին խորանին՝ հիւսիսային կողման տուն գաղտնոց, և ի նմա մթերս անհուն սրբութեանց և նշխարաց առաքելական, հայրապետական և մարտիրոսական, յորում և կայր աստուածօրնկալ խաչն բարգենեան»⁵։ Վանական կառույցները, ներքինից բն-

մազում նշխարք արրոց գրով իւրաքանչիւր անուանք եղեալ ի կողքալի...» (Ն տ ե փ ա ն ո ս Յ ր-ւ և լ յ ա ն, ԳԼ ԺԲ, էջ 47)։

⁵ Ն տ ե փ ա ն ո ս Յ ր. Բ և լ յ ա ն, էջ 434։

ցի ունենալ էին նաև արտաքին գաղտնարաններ (վանքի տարածքում կամ ավելի հեռու), որտեղ թաքցնում էին վանքի այլ հարստությունները՝ փաստաթղթեր, ձեռագիր մատյաններ, կարասի և այլն:

Տաթևի վանքի համար նման գաղտնարան էր Ուփա բարի անմատույց քարայրը: Այնտեղ թաքցված նյութերի մասին Ստեփանոս Օրբելյանը գրում է. «...Եւ այլ ինչ ի հին նամակաց քաղաութաց Հայոց՝ և իշխանաց Սիւնեաց, նաև ի կաթողիկոսաց Հայոց և լեպիսկոպոսաց Սիւնեաց. որ մնացեալ էին ի վաղ ժամանակաց յամուրս քարանձաւին և որ ի սուրբ ուխտս Հայրապետանոցիս Տաթևու...»⁶:

Ի՞նչ նամակներ էին դրանք, որ թաքցվել էին քարանձավում: Նոր Հայկազեան բառարանը նամակ բառը այլ իմաստների հետ միասին բացատրում է նաև որպես հրովարտակ: Նույն իմաստով է օգտագործել այդ բառը նաև Ստեփանոս Օրբելյանը, որը երևում է Սյունյաց Տեր-Գրիգոր եպիսկոպոսի գործունեությանը վերաբերող գլխում: Տեր-Գրիգորը (աթոռակալել է 1058—1116 թթ.), Սյունյաց թագավոր Սենեբերիմի աջակցությամբ Տաթևի վանքը հասցնում է ամենածաղկուն վիճակի: Սրա ժամանակ կառուցվում է նոր եկեղեցի, վանքը հարստանում է Սյունիքի իշխաններից և թագավորից ստացած բազմաթիվ նոր նվիրատվություններով: «Յետ այսր դարձեալ գայ թագաւորն ի սուրբ ուխտն առ հոգեւոր Տէրն Գրիգոր, ի տես և յաղօթս: Եւ էր գիւղն Հարժիս և Բերդկաներն ի Յուրայ գետ յափշտակած ի սուրբ եկեղեցւոյն, և առ ազատացն Սենեբերիմայ մեծ իշխանին Մահեանայ և միւս աղատին Գէորդեայ. վասն որոյ ծանուցանէ եպիսկոպոսն թագաւորին զզրկանքն եկեղեցւոյն. և առաջի արկանէ զհին նամականին որ տուեալ էր առաջին թագաւորացն անխախտ պայմանաւ»⁷: Այսինքն, Տեր-Գրիգորը թագավորին ցույց է տվել առաջին թագավորների հրովարտակները, որոնցով Հարժիս, Բերդկաներն ի գյուղերը և Յուրայ գետը նվիրաբերվել են վանքին:

Այստևից պարզ է դառնում նաև, որ Ստեփանոս Օրբելյանի ժամանակ քարայրից հանված «եւ այլ ինչ հին նամակաց թագավորաց»-ը նույն այն հրովարտակներն էին, որ Տեր-Գրիգորը ցույց տվեց թագավորին, ըստ որում նըշված հրովարտակները մինչև 1092 թ. դեռևս քարանձավ չէին տեղափոխվել և կարիք էլ չկար, քանի որ ժամանակները խաղաղ էին: Սակայն շուտով անդորրը խախտվեց. 1092 թ. մեռավ սուլթան Մելիքշահը. Սրա օրոք Սենեբերիմը մեծարվում էր արքայական պատվով. Սուլթանի մահից հետո «ամենայն ոք գլուխ ի վեր առեալ՝ եղև անձնիշխան և զմիմեամբք ելեալ ո ոք որ կարողանայր աւերէր զերկիր զերկամբք և յափշտակութեամբ: ...և ելեալ ամիրայն Պարտաւայ և Ռանայ և Գանձակայ բաղում զօրօք գայ ի պատերազմ ընդ Սենեբերիմայ, ...իմացեալ զայն Սենեբերիմայ և ամբողջութեալ զամենայն աշխարհն լաւառիկ ամուրսն»⁸: Պաշտպանության է պատրաստվում նաև Տաթևի վանքը. այս ժամանակներում էլ կառուցապատվում է քարայրը: Վանքի հարստությունների մեծ մասը (նաև մեծ քանակությամբ ձեռագրեր) տեղափոխվում է Բաղաբերդ, որը դժբախտաբար կողոպտվում է բերդը գրավելույ հետո⁹:

Շուտով սկսվում է ասպատակությունների և ավերման մի շրջան. 1103 թ. ընկնում է Կապան քաղաքը, մեկ տարի անց գրավվում է Որոտանը, 1105 թ.¹⁰:

6 Նույն տեղում, էջ 10 (ընդգծումը մերն է—Ղ. Ա.):

7 Նոր բառգիրք Հայկազեան լեզուի. հ. II, Վենետիկ, 1837, էջ 403:

8 Ստեփանոս Օրբելյան, էջ 328 (ընդգծումը մերն է—Ղ. Ա.):

9 Ստեփանոս Օրբելյան, գլ. ԾԹ, էջ 320 (ընդգծումը մերն է—Ղ. Ա.):

10 «...և զապաւենն ամենեցուն և զտեղի ապաստանի զանառիկ ամուրն զրազարեղ մատնեաց ի ձեռս Իսմայէլի անիծեալ և գիշխանձ առն, ...և ապա ի գիշերի՝ այնուհարամբը գողացաւ զքաղաքեղ. և առեալ կոտորեաց սաստիկ. և զի վասն անառիկ ամբողջման յամենայն վանորէիցն անդ լին կոտեալ զսրբութիւնս և զգրեանս և զսպաս եկեղեցւոյ. ես առաւել՝ զանհամար և զանման սրբութիւնս և սպաս եկեղեցւոյն Տաթևոյ՝ ...և կտակարանք յուղի որք բոլոր աւելի քան զ 10000 զորս ամբարեալ էին անդ» (նույն տեղում, գլ. ԿԱ, էջ 336):

Վիլենր. «...և ժամանակ բժնական և հաս զոր լեզու ոչ կարէ պատմել. և ամենեքեւն զնշեցան մարդ և անասուն. և անբնակ եղև բոլոր աշխարհս Սիսական. միայն թէ ի ծերպս քարանց մնացեալ էին ուրեք բարեք երկու կամ երեք տարւոյն¹¹. Այս ասպատակութիւններէց առաջ էլ (Մէլիքշահի մահից հետո, 1092 թ.) կառուցապատվում է քարայրը, ամենայն հավանականութեամբ 1092—1094 թթ., Տեր-Գրիգորի օրոք և, հավանաբար, նրա անմիջական գեկավարութեամբ։ Քարայրում բնակվել են մեկ կամ երկու մարդ, որոնք երկար ժամանակ պահպանել են այն, հետագայում կամ այդ պահպաններն անընդհատ փոխվել են (որոշ բնի հավանական է), կամ զոհվել են ասպատակութիւնների ժամանակ և քարայրն ու այնտեղ թաքցված նյութերը երկար ժամանակ մոռացութեան են տրվել։

Քարայրի նյութերի հայտնաբերման ամենահավանական ժամանակը Սյուրյաց Լպիսկոպոս Տեր-Հայրապետի աթոռակալման տարիներն են (1252—1292 թթ.), երբ վերականգնվեց Տաթևը։ Նշված նյութերի հայտնաբերումից հետո քարայրը երկար ժամանակ չի օգտագործվել, այդ է վկայում 5—10 սմ հաստութեամբ փոշուց և բամբու բերած բուսական մնացորդներից կազմված երրորդ շերտի առկայությունը։

Քարանձավի օգտագործման հաջորդ ամենահավանական ժամանակը Դավիթ Բ Լկի ազգային-ազատագրական կռիվների ժամանակաշրջանն է, որից էլ քարայրում մնացել են տպագիր և ձեռագիր մատյանների պատճեններ և 1688 թ. արձանագրությամբ խեցեղենի բեկորները։ Հողաշերտի մակերեսին եղած մետրի փեթակների մնացորդները և խեցեղենի որոշ բեկորներ ակներևալար վերաբերում են XIX—XX դդ.։ Նմանօրինակ անառիկ քարայրների օգտագործումը որպես մեղվանոց տարածված էր Հայաստանի տարբեր շրջաններում՝ Իջևան, Նոյեմբադոն, Լոռի։

Իսկ այժմ մի քանի խոսք քարայրի Ուփա քար՝ անվան մասին։

Ինչպես նշել ենք սկզբում, Ուփա քար անվանումը վերաբերում է ժայռին, որի միջին մասում էլ տեղադրված է քարայրը։ Իսկ քարայրը, որ լավ երևում է կիրճի տարբեր մասերից և հայտնի է տեղի բնակչությանը, հատուկ անուն չունի։ Սակայն ուսրովեց, որ նշված անունը վերաբերում է հենց քարայրին։ Նոր Հայկազեան բառարանը ռվ քառը բացատրում է որպես խոռոչ, ծերպ, ծակ¹² և որպես օրինակ բերում է Բարսեղ Կեսարացու «Յաղագս վեցարեայ արարչության» գրքից հետևյալ հատվածը. «Ոչ զետեղակալ ջուրցն մաւրացելոց ասեմ, որ պաշարեալ ղետեղեալ զմի եւ զնոյն կայանս ունին, որ առանց գնացից եւ առանց շարժելոյ են՝ ըստ արինակի ռվոց պաշարելոց որ զետղ առեալ կան արգելեալ ի պաշարանի»¹³։ Այս օրինակը ցույց է տալիս, որ V դարում քարայր ապաստարանները (նույնիսկ պաշարված) սովորական էին ու հայտնի, և ռվ բառն էլ օգտագործված է հենց քարայր-ապաստարան իմաստով¹⁴։ Լեյստեղից էլ պարզ է դառնում, որ ժայռի Ուփա քար անվանումը վերաբերում

¹¹ Նույն տեղում, էջ 341։

¹² Նոր բառգիրք Հայկազեան լեզուի, հ. II, էջ 561։

¹³ Բարսեղ Կեսարացի. Յաղագս վեցարեայ արարչության, 1984, Հառ Դ., էջ 107 (բնագծումը մերն է—Ղ. Ա.)։

¹⁴ Նշված ստուգաբանությունից հասկանալի է դառնում նաև կոփածո քար արտահայտությունը, որը նշանակում է ոչ թե տաշած, հարթեցրած քար, ինչպես հասկանում ենք այսօր. այլ հարթեցված և մանր խոռոչներ ունեցող քար (խոռոչները արվում են հատուկ կոփող մուրճով)։ Բազալտե կոփածո քարերով է կառուցված Մաշտոցի անվան Մատենադարանի շենքը։ Բակ Մեծուփա վանքի անունը ստուգաբանվում է մեծ խոռոչ կամ սեծ վանք, այսինքն վանքը հավանաբար գտնվում է մեծ փոսում կամ խոռոչում։

Այսպիսով, ի դեմս Տաթևի վանքի Ուփա բաղի, սօստ ունենք իր ուրույն տատմական, հնագիտական, ազգագրական նյութերով և քարանձավային ճարտարապետությամբ հետաքրքիր միջնադարյան մի գեոեցիկ. կարևոր հուշարձան:

О. Г. АЗИЗБЕКЯН

Пещера-укрытие Опа кара находится на расстоянии 1 км северо-восточнее Татевского монастыря на левом склоне ущелья правого притока р. Воротан—Агандзугета. В пещере, согласно данным Степаноса Орбеляна, в конце XIII в. были выявлены рукописи, относящиеся к Татевскому монастырю. В 1092—1094 годах, перед нашествием турок-сельджуков, в пещеру были перенесены рукописи монастыря, которые хранились в ней до восстановления Татевского монастыря в 1290 г. Выявленные при обследовании пещеры материалы показывают, что она использовалась в качестве укрытия также во время народно-освободительных войн Давид-Бека.